

為國。即賜錦衣銀帶。加錢二十萬。擢為中堅尉。初。幹曾詣賀。卜卦成。而謂幹曰。是卦也。火水未濟。終有立也。九二之動。輿輪貞吉。以正救難。往有功也。變而之晉。明出地中。奮發光揚。恩澤相接。子今行也。利用禦戎。大獲慶捷。王當有車馬之賜。其間小費。不足憂之。行軍司馬路晏。曾夜適廁。有盜伏焉。晏忽心動。取燭照之。盜即告言。請無驚懼。某稟命有自。察公正直。不忍傳刃。即匣劍而去。晏由是晝夜警惕。以備不虞。召黃生筮之。卦成。賀曰。惕號暮夜。有戎勿恤。察象徵辭。人有害公之意。然難已過矣。但守其中正。請釋憂心。晏亦終無患也。又贊黃縣尉張師。曾臥病經年。日覺危殆。良醫不復進藥。請賀卜之。卦就。黃生告曰。无妄之疾。勿藥有喜。請停理療。五日必大瘳也。師果應期而愈。又數十年。師夢白鳥飛翔。墜於雲際。既覺。心神恍惚。召賀卜算之。賀即決卦。慘然而問師曰。朝來寢息。不有夢乎。必有夢。其飛禽之象乎。且雷震山上。鳥墮雲間。聲跡兩消。不可復見。願加保養。樂天委命而已。張竟不起。時年七十一也。又有段誨者。任薨。城鎮將曾夜宿郵亭。馬斷韁而逸。數日不知所適。

使人詣肆而筮之。賀曰。據卦睽也。初九動者。應有亡失之事。無乃喪馬乎。勿逐自復。必有繫而送之者也。迺未及舍。已有邊鄙惡少。牽而還之。賀所占卜。皆此類也。時人謂之易聖公。劉巖曾詣之。生謂曰。君他日必成偉器。然勿以春日為恨。初不曉其意。及老悟。蓋遲之謂也。

鑿誠錄

何光遠

鬼傳書

西川高相公(駢)版築羅城。日遣諸指揮分墾地界。開掘古塚。取塋。獨滄州守禦指揮使姜知古。卓旗占得西南肖波塊。其塊即趙畚相公墳也。年代深遠。碑文磨滅。走脚損缺。肖字存焉。姜君號令將健。俟曉開之。是夜二更以來。忽聞墓上清嘯數聲。良久有人云。冥司趙相公遣使送書。姜君驚曰。既是聖者送書。容某穿靴祇候。鬼使曰。冥司小鬼何敢當之。姜君呼其僕使鋪排淨。蕭焚香於庭。匍拜迎。虔心祝曰。某負何罪。聖者降臨。鬼使出口。雖顯晦有殊。奉命差遣。欲陳之懇。願面咨祈。乃持出一緘。展開數幅。並無文字。鬼使曰。但挑燈半滅。燈影看之。即可見也。既而細視之。果見文翰流美。徵古

述今。詞旨感傷。書盡復有一篇。比調悽惻。因召鬼使就席。談吐分明。自云姓何。名滅沒。黃衣束帶。骨瘦隊長。與姜君對飲。數巡。對食數味。乃贈錢十千。退讓再三。曰。人間重錢。陰府何用。希卓錢一帖。即敢俸當。姜君遣僕立買。卓錢仍修迴狀。鬼使倏然不見。酒食並已存焉。姜君至曉。持神鬼使所送到書。并詩。面聞元戎。遽絕諸軍。開闢古塚。仍差大將往彼祭焉。其詩與墓容垂所吟事皆相似。王蜀韋文靖莊嘗與著作房鶚。悲歎此詩。歷觀史書。未之聞也。其書曰。冥司趙畚。謹以幽昧致書於守禦指揮靖公閣下。切以趙氏之冤。搏膺入夢。良夫之枉。披髮叫天。是以有怨必讐。無道則見。此則流於往史。載自前文。如畚者一介遊魂。九泉罔象。德不勝辜。禱不勝人。無廟貌於世間。遂埋沈於泉壤。自蒙天譴。便掌冥司。雖叨正直之官。未達聰明之理。未嘗以威伏衆。唯知以禮依人。頃在本朝。叨為上相。不無濫德。敢有害盈。今者伏審渤海高公。令君毀畚墳闕。况畚謫居幽府。天賜佳城。平生無戰伐之讐。邂逅起誅夷之釁。得不撫銘旌而憤志。託觚染以申懷。伏希端公俯念無依。迴垂有鑒。特於

萬雉。免此一坏。儻全馬鬣之封。敢忘龍頭之庇。謹吟絕句。後幅上聞。不勝望德之至。謹白。其詩曰。我昔勝君昔。君今勝我今。人身一世事。何用苦相侵。

前定錄

梁太祖篡位之初。宰臣薛貽矩。自御史大夫。百日拜相。性懷忠正。臨蒞端明。公事之間。每加寬憫。太祖忽因入閣。怪之曰。卿為天子郎官。何得不親政事。薛奏曰。臣少年之時。曾任封丘主簿。在官之日。嘗與僧悟因相知。每日暇之時。便到其院。此僧預知臣至。先在院門等臣。以是殷勤。直至三年考滿。替人將至。或一日。其僧不出院內。臣怒僧世情。以言責問。僧云。今日實不知簿公訪。及有闕迎門。臣因問。每日又何知之。僧曰。每日微僧齋後。略睡。便有神人報云。薛相公來。微僧狼忙驚起。披挂出院迎待。果是簿公臨門。今日神人不來相報。有誤迎。接非是世情。臣遂請僧結壇持念。乞其警戒。其僧果見神人相報云。薛主簿為曲斷公事一件。取錢五緡。卻不得宰相也。若正其公事。却還其錢。即可牽復。不然者。無計矣。僧因報臣警戒。遂省其非。尋便還錢。改正公事。其